



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus de Conscientia, de Legibus, de Peccatis, de Virtutibus
Theologicis, de Religione, & Beneficiis. Adjunctis in hac editione
Propositionibus ad hanc usque proscriptis

Antoine, Paul-Gabriel

Ingolstadii, 1734

VD18 90392140

Cap. V. De Interpretatione, & Epiichia.

urn:nbn:de:hbz:466:1-40986

ibi moretur solum ad sumendum cibum: quia mora non est proportionata impletioni præcepti. Econtra tenetur audire sacram, si sufficienti tempore moretur, vel si Festum servetur in loco, ubi pernoctavit, aut in toto illo territorio, per quod usque ad meridiem acturus est iter.

CAPUT V.

De Interpretatione, & Epichia.

Q. i. *Quid, & quotplex est interpretatio Legis?*

Resp. Interpretatio Legis est explicatio sensus Legis. Triplex est; authentica, Usualis, & Doctrinalis. Interpretatio authentica, seu cum autoritate prolatâ est ea, quæ fit per ipsum Legislatorem, vel ejus Superiorum, vel successorem, vel per Ministros ab ipso constitutos: habetque vim Legis, cum procedat à Superiori habente potestatem Legem condendi, & explicandi in sensu, in quo vult illam servari. Usualis est, quæ petitur ex communi usu, nam *consuetudo est optima Legum interpres.* Cap. 8. de *consuet.* Doctrinalis est ea, quæ fit per homines doctos, ac peritos. Quamvis hæc non habeat vim legis, cum non procedat à potestate jurisdictionis,

Tom. I.

I

sed

TRACTATUS

130

sed à judicio peritorum ; tamen imprudenrer, & contra rectam rationem rejice-
retur, si in eam Doctores omnes consenti-
ant. Si verò Doctores inter se dissentiant
de sensu, & obligatione Legis, tunc te-
nemur sequi opinionem tutiorem, & pro-
babiliorem : licebit tamen sequi minùs tu-
tam, si sit certò, & notabiliter probabilior
tutiore, juxta dicta de opinione proba-
bili.

Interpretatio iterum duplex est. Una
simplex, qua explicatur ambiguitas verbo-
rum Legis; & altera per æquitatem, qua
interpretamur casum aliquem particula-
rem non comprehendi in Lege, quamvis
verba Legis clara sint, & generalia. Hæc
dicitur Epiichia.

Q. 2. Quænam sunt regulae aptæ ad
recte faciendam interpretatio-
nem Doctrinalem?

Resp. Hæc à Doctoribus traduntur. I.
Accipienda sunt verba Legis secundum
eorum proprietatem, & usitatam acceptio-
nem, nisi sic accepta injustitiam, vel absur-
ditatem continerent, aut Legem inuti-
lem redderent. Quia Legislator de-
bet Legem clare, ideoque verbis secundum
eorum proprietatem, & communem signi-
ficationem intellectis exprimere: Alioquin
nihil firmum stabiliret, & errandi occasio-
nem

nem daret. In dubio autem usus, & accep-
tio communis verborum præferri debeat
eorum proprietati.

2. Correctio Legum vitanda, quoad
fieri potest ex Cap. 29. *de elec.* in 6. Nam
ordinariè Legum mutatio noxia, aut in-
commoda est communitati.

3. Si Legis verba sint æquivoca, vel am-
bigua, eorum significatio spectanda est ex
antecedentibus, & consequentibus, ex ma-
teria & circumstantiis Legis, atque etiam
ex aliis Legibus, in quibus eadem verba,
vel similia in tali, & tali sensu accipiuntur,
sed præsertim ex fine Legis, ex Cap. 6. *de
verb. signif.* ibi: *Intelligentia dictorum
ex causis est assumenda dicendi; quia non
sermoni res, sed rei est sermo subjectus.* Et
ex Sancto Thom. in 3. Dist. 37. a. 4. *Sicut
Lex lata est mensura subditorum in suis
actibus, ita hoc, ad quod respicit Legisla-
tor, quod est Legis intentio, & finis, est
mensura Legis positiva.*

4. Lex pœnalis, & omnis alia onerosa
strictè interpretanda est, ex Reg. Jur. 49.
in 6. *In pœnis benigniter est interpretatio
facienda.* In favorabilibus vero lata est
facienda, ex Reg. 15. Jur. in 6. *Odia re-
stringi, & favores convenit ampliari.*
Hinc pœnae non extenduntur ad casum in
Lege non expressum. Nec in Legibus
pœnaliibus valet argumentum à pari, imò
nec à minori ad majus: nam Legislator

poteſt velle punire minus crimen , non
majus , eò quòd illud ſæpiùs patretur , vel
ſit periculofius bono communi .

5. Lex generaliter , vel indefinite lo-
quens , omnia significata propria compre-
hendit . Nam verba generalia generaliter
accienda ſunt , ubi jus non diſtinguit , nec
nos diſtinguere debemus . 1. Argum . I. 8.
ff. de publician .

6. Lex intelligenda eſt , & ſervanda ſe-
cundūm receptam consuetudinem . Opti-
ma enim eſt Legum interpres consuetudo .
I. 37. ff. de Legi'us . & Cap . 8 de conſuet .

7. Aliquando Legiſtator loquitur de
ſingulari caſu , vel personā , non quòd velit
Legem ad hunc caſum , vèl personam re-
ſtringere , ſed iis utitur exempli gratiā:
nam exemplum non limitat diſpoſitionem ,
ſed declarat . Quare valet hæc regula:
cū Lex frequentioris uſūs caſu aliquid
decernit , caſum minūs frequentem non
excludit , ſed comprehendit .

8. Lex poſitiva non ſemper ob parita-
te rationis extendi debet ad caſus ſub la-
ta verborum forma non comprehenſos .
Quia non ratio Legis , ſed voluntas Legiſ-
tatoris ſignificata ſubditis eſt Lex , & obli-
gat . Hic autem potuit velle ad unum
obligare , & non ad aliud , unum crimen
punire non aliud , quamvis eſſet eadem
ratio pro utroque . Legis enim poſitivæ
diſpoſitio omnino pendet à libera volun-
tate

tate Legislatoris, qui non obligat, nisi ad id, ad quod sufficienter declarat se velle obligare.

Dixi, *non semper*. Nam Lex extenditur ob identitatem rationis in his casibus.
1. Si aliqua iniq[ue]itas, vel absurditas queretur ex eo, quod Lex non extendatur ad alios casus non expressos. 2. In correlativis, nam dispositum in uno correlativo censetur esse dispositum in alio *Rom. ex l. ult. Cod. de indicta viduit.* Sic Lex statuens de uxore censetur idem statuere demarito, quando est par ratio pro utroque, ut cum agitur de debito conjugali.
3. In æquiparatis, & connexis. 4. Cum Lex exprimit rationem, ob quam fertur, secundum multos extenditur ad casus, in quibus clarè occurrit eadem ratio Legis: quia ubi ratio exprimitur, censetur eadem esse dispositio pro casibus, ubi clarè repetitur; neque tunc est interpretatio extensiva, sed declaratio comprehensiva.
5. In judiciis ex l. 12, ff. *de legib.* Nam prudentia, & recta ratio dictat, ut cum pro aliquo casu decidendo non est certa Lex, decisio illius petatur à similis casus decisione.

Not. Particulæ aut, vel aliquando accipiuntur copulativè ex l. Sæpè ff. *de verbis.* signif. ut cum inter illas ponuntur ea, quæ non separantur. Particulæ seu, sive ple-

I 3 rum.

rumque sumuntur copulativè , aliquando
tamen disjunctivè.

Q. 3. Quando nam licet uti Epichia?

Not. Epichia est benigna , & rationabilis interpretatio , casum aliquem particularem , ob suas circumstantias , non comprehendendi Lege , quamvis per verba generalia latâ ; ideoque Legem non obligare in tali casu . Hinc sola Lex positiva admittit Epichiam , non naturalis : quia sola Lex positiva statuit per verba generalia , quæ restringenda sunt ex æquitate in certis casibus . At Lex naturalis excipit omnes casus excipiendos : est enim Ordinatio divina per dictamen rationis intimata de omnibus , & singulis , quæ ex naturâ rei agenda , vel omissa sunt , ad honestè , ac rectè vivendum .

Resp. I. Aliquando necesse est uti Epichia ; quoties nempe secundùm verba generalia legis agendo , fieret aliquid contra rectam rationem , vel bonum commune . Nam Lex nunquam obligat ad aliquid irrationalib[us] , vel noxiū bono communi : ut si v. g. Lex generatim ferretur , ne aperirentur noctu portæ civitatis ; esset contra rectam rationem , & intentionem Legislatoris eas non aperire in eventu , quo copiæ auxiliares admittendæ essent in urbem , alioqui interficiendæ ab hostibus illam obsidentibus .

Re/s.

Resp. II. Uti licet Epichia, quando evi-
dens est, non posse servari Legem sine
gravi damno, cum quo constet Legem
non obligare, saltem si adiri nequit Supe-
rior. Nam tunc certò, & prudenter ju-
dicamus Legem non obligare in tali ca-
su.

Resp III. In dubio, num aliquis casus
comprehendatur in Lege, debet consuli
Superior, ex Cap. 31. de sent. excom. & l.
ult. Cod. de Legibus. Si non possit consu-
li, non licet uti Epichia, sed servanda est
Lex. Ita S. Thom. 2. 2. q. 120. a. 1. ad. 3.
Azor, & alii. Quia in dubiis tutior pars
semper eligi debet. Nec tunc absque de-
terminatione Superioris formari potest ju-
dicium prudens, & moraliter certum L-
gem non obligare.

CAPUT VI.

De Dispensatione.

NOt. Dispensatio est relaxatio Legis,
seu exemptio à Legis obligatione in
aliquo casu particulari, ubi Lex cætero-
quin obligaret. Hinc differt 1. ab inter-
pretatione, quā non relaxatur obligatio,
sed solum declaratur Legem non obligare
in certis casibus. 2. à privilegio, quod est
facultas permanens concessa per modum
Legis, & sœpè non est contra, sed præter